



Broj: 04-40-1-225/26
Sarajevo, 14.08.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 13.08.2026. do 08:30 sati 14.08.2026. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 13.08.2026. godine u 18:10 sati od građanina, de je na lokaciji Darive, Općina Stari Grad, pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 16 manjih intervencija i to: 4 intervencije na gašenju zapaljenog niskog rastinja, 5 intervencija na gašenju zapaljenog smeća u kontejneru, 4 tehničke intervencije, 1 na gašenju zapaljene štale, 1 po dojavi dima u stanu i 1 obezbjeđenje kulturnog događaja.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 13.08.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok.

Prilikom obilaska lokaliteta klizišta Curine Njive i vizuelnim pregledom terena ustanovljeno je da su radovi na izvlačenju zemlje trenutno obustavljeni i da nisu uočene značajnije promjene na tlu klizišta. Na gornjem dijelu klizišta, iznad zone u kojoj se izvode radovi, i dalje je prisutno slijeganje tla i proširenje postojeće pukotine, bez značajnijih promjena u odnosu na prethodni obilazak. U donjem dijelu klizišta, ispod tzv. igrališta, i dalje su vidljivi slijeganje zemljišta, odvajanje manjih dijelova zemljane mase i proširenje već postojećih pukotina, bez uočenih novih promjena u odnosu na prethodni dan. Također, i dalje je prisutno nakupljanje zemljanog materijala iznad prvih stambenih objekata, što ukazuje na kontinuirano pomjeranje tla na navedenom dijelu klizišta.

Prilikom redovnog obilaska lokaliteta deponije Knjeginjac i vizuelnim pregledom stanja ustanovljeno je da u odnosu na prethodni dan nema značajnijih promjena. U gornjem dijelu deponije i dalje je prisutno blago slijeganje tla. Navedena pojava kontinuirano je prisutna od početka izvođenja radova na odvozu zemljanog materijala sa lokaliteta klizišta Curine Njive, te se može dovesti u vezu sa promjenom opterećenja terena usljed izvođenja navedenih radova. U donjem dijelu deponije i dalje je prisutna formirana plavna površina, bez značajnijih promjena u odnosu na prethodni dan. Također, na desnoj strani lokaliteta, gledano prema gradu, i dalje je vidljivo brazdanje tla, bez uočenih novih promjena, što ukazuje na potrebu nastavka redovnog praćenja stanja.

Stanje na lokalitetu Bistričkog potoka je bez značajnijih promjena. Vizuelnim pregledom ustanovljeno je da se protok vode odvija nesmetano, s tim da trenutno nije evidentan dotok vode iz pravca Trebevića, osim iz kaptaze pored mosta koja se ulijeva u korito potoka. U gornjem dijelu potoka, iznad mosta na području Općine Istočni Stari Grad, i dalje je prisutno obrušeno kamenje i veći broj oborenih stabala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 15°C, vlažnost zraka 54%, barometarski pritisak 948,6 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- Zbog održavanje manifestacije SFF 2026, od 14. do 21.08. od 17 do 20 sati i dana 22.08. od 00 do 02 sati obustavlja se saobraćaj i zabranjuje parkiranje u ulicama: Zelenih beretki (od raskrsnice sa ulicom Vladislava Skarića do raskrsnice sa ulicom Gimnazijska), Branilaca Sarajeva (od raskrsnice sa ulicom Gimnazijska do raskrsnice sa ulicom Kulovića), Čemaluša Sarajeva (od raskrsnice sa ulicom Mula Mustafe Bašeskije do raskrsnice sa ulicom Branilaca Sarajeva) i Ćumurija (od raskrsnice sa ulicom Obala Kulina bana do raskrsnice sa ulicom Zelenih beretki). Omogućen je ulazak/izlazak korisnicima parking prostora i vlasnicima stambenih i privrednih objekata u ulici Ćumurija, kroz ulicu Ćumurija prema saobraćajnici Obala Kulina bana. Iste zabrane (obustava i parkiranje) bit će na snazi i u ulici Franca Lehara (na dijelu od ulaza na parking Tibra sa desne strane u smjeru kretanja vozila do ulaza na parking površinu hotela Holiday).

- Zbog organizacije manifestacije u okviru SFF-a do 23. 08. u vremenu od 17 sati do 03 sati sljedećeg dana obustavljać će se saobraćaj na dijelu od ulice Bulevar Mimar Sinana do početka mosta Branilaca Dobrinje.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA
Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a